

CUSSEGL GROND

Sessiun da favrer 2023

Dumonda Bardill concernent la promoziun da la cultura

Dapi ch'il nov Concept per promover la cultura (CPC) è entrà en vigur il 2021, stattan a disposiziun meds finanzials supplementars per la lavur culturala grischuna. Ils signals èn positivs che la cultura pruja en il Grischun sco materia prima regenerabla, saja quai en exposiziuns, sin tribunas, en las vias, en cleragls, en salas communalas, en museums, en garaschas, en stallas vidas, en offspaces, en tschalers da musica, en gallarias ed er en auters lieus.

Suenter che l'emprima mesadad dal CPC actual è passada, sa tschentan dentant dumondas per bleras persunas che lavuran sin il champ cultural. L'adattaziun necessaria da las finamiras strategicas n'è strusch da localisar fin ussa tar l'Uffizi da cultura. La critica sa lascha resumar en ils suandants puncts:

- Pretensiuns nuncleras tar las dumondas chaschunan lavur administrativa excessiva e retards tar la concessiun dals meds finanzials.
- Las pretendiuns areguard las atgnas prestaziuns n'èn savens betg cleras ed i vegnan concedidas pitschnas contribuziuns (plitgusch 10 perschiunt dal preventiv empè dals 25 perschiunt pussaivels).
- Clerezza mancanta areguard la finamira dals differents instruments da promoziun, p.ex. promoziun sur convegnas da prestaziun u promoziun sur projects singuls.
- Lungs temps per elavurar las dumondas.

Las sutsegnadras ed ils sutsegnaders vulessan perquai savair da la Regenza:

1. Cura survegn l'Uffizi da cultura las resursas necessarias per pudair tegnair quint dal fatg che las pretendiuns a la promoziun da la cultura èn sa midadas, dapi che la Lescha per promover la cultura ed il CPC èn entrads en vigur?
2. Tge mesiras prenda l'Uffizi da cultura per cuntanscher ina midada:
 - a. da l'orientaziun a la controlla vi tar l'orientaziun a la promoziun,
 - b. da la garanzia da deficit vi a la contribuziun da promoziun?
3. Tge proceder (evaluaziun dal CPC 2021-2024, gruppa da project, participaziun, milestones, lavur da publicitad) è planisà per elavurar il CPC 2025-2028?

Cuira, ils 15 da favrer 2023

Bardill, Saratz Cazin, Kocher, Atanes, Bachmann, Baselgia, Biert, Bischof, Bisculm Jörg, Bleuler-Jenny, Cahenzli-Philipp (Vaz Sut), Danuser (Cuira), Dietrich, Furger, Gartmann-Albin, Hoch, Hofmann, Mazzetta, Müller, Nicolay, Pajic, Perl, Preisig, Rusch Nigg, Rutishauser, Spagnolatti, von Ballmoos, Zaugg-Ettlin